

二郎神鎖齊天大聖

闕名

頭折

〔沖末外扮元始天尊領仙童上〕〔云〕太極初分道在先。清陽居上以爲天。鴻濛之始吾爲長。歷代尊崇億萬年。吾神金闕玄元玉清聖境元始天尊是也。生於天地未分之先。道在太極鴻濛之始。混沌如鷄子。滋萌元氣。混而爲一。是太初也。自陽清者爲天。陰濁者爲地。陰陽既判。各有一端。吾乃九天之祖。萬聖之宗。吾今採日月之精華。乾坤之秀氣。在於太極爐中。煉九轉金丹。可差金童看守丹爐。金丹已成。請天上天下三界羣真。赴金丹之會。有何不可。神符寶籙鎖三天。煉就金丹養聖顏。羣真慶會朝金闕。永保皇圖萬萬年。〔下〕〔齊天大聖上〕〔云〕廣大神通變化。騰雲駕霧飛霞。三天神鬼盡皆誇。顯耀千般嚙咤。不怕天兵神將。被吾活捉活拏。金精烟燦怒增加。三界神祇懼怕。吾神乃齊天大聖是也。我與天地同生。日月並長。神通廣大。變化多般。閑遊洞府。賞異卉奇花。悶遶清溪。翫青松檜柏。衣飄慘霧。袖拂狂風。輕舒猿臂起春雷。舉步頻那轟霹靂。天下神鬼盡歸降。蓋世邪魔聞吾怕。吾神三人。姊妹五箇。大哥哥通天大聖。吾神乃齊天大聖。姐姐是龜山水母。妹子鐵色獼猴。兄弟是耍耍三郎。姐姐龜山水母。因水渰了泗洲。損害生靈極多。被釋迦

如來擒拏住。鎖在碧油罈中。不能翻身。我聽知的太上老君。煉九轉金丹。食之者延年益壽。吾神想來。我搖身一變。化做一箇看藥爐的仙童。扳倒藥爐。先偷去金丹數顆。後去天廚御酒局中。再盜了仙酒數十餘瓶。回到於花果山水簾洞中。大排筵會。慶賞金丹御酒。豈不樂哉。不怕天符玉帝差。吾身忿怒夯胸懷。仙酒靈丹延壽永。洞中排宴樂開懷。〔下〕〔乾天大仙領鬼力上〕〔乾天大仙云〕地接崑崙上九天。金壇玉闕會真仙。瓊田無限春光美。種出蟠桃億萬年。吾神乃乾天大仙也。居三天金闕之庭。列九霄寶殿之右。自開闢之後。混沌之前。分天地日月之形。變陰陽晝夜之數。玄元道德。代代相傳。今天尊上帝。煉九轉金丹。請天上天下三界真仙。賞金丹之會。聽上帝勅令。方可請命諸天神將。吾今在通虛殿。忽見香風飄至。必有神將至此。鬼力望者。若有神將至。報吾知道。〔鬼力云〕理會的。〔天丁神上〕〔云〕霹靂響亮鎮山川。蒼生拱手告青天。一朝雨過雲收斂。兇徒惡黨又依然。吾神乃天丁神將是也。今奉上帝勅令。煉九轉金丹。請三界天神赴會。不想被齊天大聖。扳倒丹爐。將金丹盜去數十餘顆。又盜了仙廚御酒。不敢隱諱。報知乾天大聖。走一遭去。鬼力報復上仙。有天丁神將來見上仙也。〔鬼力云〕理會的。〔報科〕〔云〕報的上聖得知。有天丁神來見。〔乾天大仙云〕着過來。〔鬼力云〕着過去。〔天丁做見科〕〔乾天大仙云〕天丁此一來有何事也。〔天丁神云〕報的上仙得知。有齊天大聖。扳倒丹爐。偷取金丹數十餘顆。又在

御酒局中。盜仙酒數十餘瓶。小聖不敢隱諱。特來報知上仙。〔乾天大仙云〕此業畜無禮。將金丹仙酒盜去了。更待干罷。爭奈此業畜神通變化。極難擒拏。則除是清源妙道二郎真君。方可破齊天大聖。鬼力那裡。便去請清源妙道二郎真君來者。〔鬼力云〕理會的。二郎真君安在。〔正末扮二郎神引郭牙直抱刀鬼奴厮兒狗兒上〕〔正末云〕吾神乃二郎真君是也。俗姓趙名煜。幼從道士李班。隱於青城山。至隋煬帝。知吾神大賢。封爲嘉州太守。郡左有冷源二河。內有健蛟。春夏爲害。吾神持刀入水。斬蛟而出。後棄官學道。白日衝昇。加吾神清源妙道真君。今有乾天大仙相請。不知有甚事。須索走一遭去。〔郭牙直云〕自從上聖入水斬蛟。玉帝知上聖有功。加封神位。非同容易也。〔正末唱〕

〔仙呂點絳脣〕自從我道隱青城。煉習心性。行忠正。克己存誠。一念遵先聖。〔抱刀鬼云〕上聖自從煬帝封爲嘉州太守。愛惜黎庶。束杖理民。因冷源二河健蛟爲害。上聖治民有功。所以上帝不負功效。加封神位也。〔郭牙直云〕想上聖在生之時。拜嘉州太守。撫安黎庶。後遇冷源河健蛟作害。幸得上聖所除。今日正直爲神也。〔正末唱〕

〔混江龍〕隨朝徵聘。任嘉州太守牧民情。常則是優恤黎庶。滅除了法治嚴刑。則爲那郡在冷源瀾二水。不承望綠波藏隱健蛟精。我可早入水持兵刃。霎時

聞波紅赤水。登時間命夭亡形。〔云〕可早來到也。鬼力報復去。道有二郎真君來了也。〔鬼力云〕理會的。〔報科〕〔云〕報的上聖得知。有二郎真君來了也。〔乾天大仙云〕道有請。〔鬼力云〕理會的。有請。〔正末見科〕〔云〕上聖。今喚二郎來有何事商議。〔乾天大仙云〕清源妙道真君。今有天丁來報。被齊天大聖。將太上老君丹藥。偷了數十餘顆。并天廚御酒盜去。好生無禮。恐怕老君得知。特請你來商議也。〔正末唱〕

〔油葫蘆〕我這裡曲脊躬身側耳聽。猛然間心內省。〔乾天大仙云〕齊天大聖逞他妖魅精靈。盜了天廚玉液金波金丹數顆。更待干罷那。〔正末唱〕你道是齊天妖魅逞精靈。盜了那天廚玉液金波瑩。更和那金丹數顆空倏倖。藥爐中九轉丹。羨金波九醞清。〔乾天大仙云〕此處他怎生得到也。〔正末唱〕是他便乘雲駕霧投金井。他端的竊物望長生。〔乾天大仙云〕這妖怪盜了這仙酒金丹。這兩般非輕。喫了益壽延年。長生不老也。〔正末唱〕

〔天下樂〕投至的煉藥燒丹今已成。果然是非也波輕。喫了將仙位陞。〔乾天大仙云〕這仙酒猶閑可。這九轉金丹。非遇至人。不可食之。盜金丹者。乃齊天大聖。可差天神鬼兵擒拏住。壓入酆都受罪。永受無邊之苦也。〔正末唱〕他端的背天仙上帝。惹下罪名。分豁出實

共虛。別辨出真與誠。怎時節統天兵。相鬪爭。〔乾天大仙云〕既是齊天大聖。盜了仙酒金丹。料着別的神聖。也近不的他。二郎神。你可領天上天下大小鬼兵。擒拏此妖魔。走一遭去。若拏住呵。上帝必加仙位之職。你意下如何。〔正末云〕齊天大聖神通廣大。變化多般。小聖難以和他鬪勝也。〔乾天大仙云〕二郎神。你說的差了也。你乃國家正神。豈懼妖怪齊天大聖也。〔正末唱〕

〔金盞兒〕待教我統神兵。列天丁。我覷那神通變化齊天聖。他端的拏雲握霧。善飛騰。〔乾天大仙云〕真君。你未曾得道時。在於人間。入水斬蛟。今已冲昇仙位。正受清源妙道真君。可怎生近不的他。〔正末唱〕我便有擎天真妙策。我急切裡怎施呈。〔乾天大仙云〕似此可怎了也。〔正末唱〕我則怕忒楞的飛彩鳳。沒揣的走蛟鯨。〔天丁云〕上聖。既然上仙舉上聖。擒拏齊天大聖。須索走一遭去。你爲何懼他也。〔正末云〕天丁。你說的差了也。〔唱〕

〔醉扶歸〕我今日奉使傳宣令。不由我忿怒起雷霆。憑着我耀武揚威敢戰爭。〔乾天大仙云〕真君。此妖怪乘雲駕霧。變化多般也。〔正末唱〕他怎敢戰武相敵併。者莫他踢天弄井。他則是引逗起咱情性。〔乾天大仙云〕二郎真君。吾奉上帝勅令。着你統十萬天兵。擒拏齊天大聖。走一遭。若拏住呵。上帝必有加封仙位也。〔正末云〕小聖既奉上仙法旨。便點就神兵。擒拏齊天大聖。走一遭去。〔乾天大仙云〕則要你小心在意者。〔正末唱〕

〔金盞兒〕你看我恁威靈顯英能。我和那無端邪魔爭競。〔乾天大仙云〕憑着真君金彈細犬三尖兩刃刀。量他到的那裡也。〔正末唱〕則我這三尖兩刃刀。過處利如風。則我這弓開着金臂細犬絳紅纓。若逢着神威七聖將。端的他何處得逃生。〔乾天大仙云〕眞君。你便索長行也。〔郭牙直云〕上聖。齊天大聖。雖是神通廣大。乃山野之精靈。怎出俺天兵之手。憑着上聖忠正威嚴。俺部下神將。量他何足道哉也。〔正末唱〕

〔尾聲〕你看我平地捲風濤。萬里愁雲靜。更那堪雜彩旗飄射影。戰鼓連天震地鳴。你看我威伏了鬼怪山精。莫消停。豪氣沖沖。馬到處威伏萬里平。〔抱刀鬼云〕憑着上聖神通變化。智勇雙全。覷齊天大聖。易如翻掌也。〔正末唱〕不是我生情見景。更怕我言多傷行。我直教捲旗旛拱手拜龍庭。〔同抱刀鬼郭牙直奴厮兒狗下〕〔乾天大仙云〕二郎眞君去了也。天丁神將。跟着吾神。回奏上帝。走一遭去。統領神兵下九天。二郎親身駕雲軒。神威到處邪魔怕。擒捉齊天咫尺間。〔下〕

第二折

〔齊天大聖引猿精石精上〕〔齊天大聖云〕歡來不似今朝。喜來那逢今日。吾神乃齊天大聖是也。自從發願。搖身一變。化做一仙童。扳倒丹爐。先偷取金丹數十顆。後至天廚御酒局中。盜了仙

酒在此花果山水簾洞。安排筵會。請吾兄通天大聖。兄弟耍耍三郎。同來赴會。共賞仙酒金丹。有何不可。猿精石精。您二人前去請吾兄通天大聖。并耍耍三郎。前來赴會。小心在意。疾去早來。共賞金丹飲巨觥。開懷暢飲樂無憂。洞中美景堪觀賞。月高沉醉恁時休。〔下〕〔猿精云〕俺兩箇奉着上聖言語。請二位尊神。走一遭去。恰纔箇上聖傳令。着我請通天大聖。若來赴花果園中。石猿精開筵敬奉。〔下〕〔正末領抱刀鬼奴厮兒鬼力狗兒上〕〔正末云〕吾神乃二郎真君是也。因爲齊天大聖。盜了金丹仙酒。奉上帝勅令。着吾神統領十萬天兵。與此妖魔鬪聖。走一遭去。今日在此陞帳。好是威勇也呵。〔抱刀鬼云〕上聖。量此等邪魔。何足道哉。看了俺這神兵浩蕩。殺氣彌空。是好威勢也。〔正末唱〕

〔中呂粉蝶兒〕你看這殺氣衝霄。統着這惡嗽勢威神道。掌着這碧油幢黃鉞白旄。冷寒侵。陰風起。黑雲籠罩。擺列着劍戟鎗刀。冷颼颼日光衝耀。

〔醉春風〕我則見銀甲似冰山。追風如電掃。似這般雄威壯氣貫虹蜺。端的是少少豪氣衝虛。胸懷星斗。量如山嶽。〔云〕鬼力那裡。與吾神喚將郭牙直來者。〔鬼力云〕

理會的。郭牙直安在上聖呼喚。〔郭牙直上〕〔云〕善惡隨形各自行。忠良邪佞兩分明。禍福自然天有報。虧心暗裏有神靈。小聖乃郭牙直是也。正在部下點檢神兵。傳勅聽令。上聖呼喚。須索走

一遭去。可早來到也。鬼力報復去。道有郭牙直來了也。〔正末云〕着他過來。〔鬼力云〕着過去。〔見科〕〔郭牙直云〕上聖呼喚小聖。有何神旨。〔正末云〕郭牙直你近前來。今有齊天大聖。好生無禮也。〔郭牙直云〕上聖。想齊天大聖。盜了金丹仙酒。禮當受罪。他又統兵來對敵。抗拒天神。這妖魔好生無禮也。〔正末唱〕

〔迎仙客〕盜金丹施猛烈。食仙酒逞雄驍。拒天神朗然生躁惡。〔郭牙直云〕這潑毛團。仗攀藤攬葛之張狂。倚跳洞踏山之勢樣。豈知天兵威嚴。這妖魔不遵上帝勅令。獨逞豪強。豈知上聖神通廣大。量那妖魔。到的那裡。〔正末唱〕他端的智謀輕。度量小。今日箇罪已難饒。我怎時節片霎擒邪虐。〔云〕鬼力與我喚將天丁來者。〔鬼力云〕理會的。天丁安在上聖呼喚。〔天丁上〕〔云〕正直無私立廟堂。於民潤國顯忠良。惡能時刻招災禍。積善之家降吉祥。吾神乃天丁是也。正在部下聽令。上聖呼喚。不知有何神旨。須索走一遭去。鬼力報復去。道有天丁在於門首。〔鬼力云〕理會的。報的上聖得知。有天丁來了也。〔正末云〕着他過來。〔鬼力云〕着過去。〔見科〕〔天丁云〕上聖。吾神在於部下聽令。上聖呼喚。不知有何事。特來見上聖也。〔正末云〕吾神今奉上帝法旨。統領天兵。擒拏齊天大聖。走一遭去。〔天丁云〕論此妖魔。好生無禮。當以擒拏也。

〔正末唱〕

〔紅繡鞋〕這厮那頑耍性委實兇暴。論忠良豈有分毫。〔天丁云〕昔日有東方朔偷盜瑤池蟠桃食用。以望長生也。〔正末唱〕盜金丹難似比蟠桃。〔天丁云〕倚仗他哥哥是通天大聖。兄弟是耍耍三郎。姐姐是龜山水母。神通廣大。變化多端也。〔郭牙直云〕上聖。這妖魔他逞兇頑。施躁暴。縱耍性。盜金丹。犯下彌天大罪。上聖略施小小神通。盡掃精靈也。〔正末唱〕他雖是神通大。空留下禍根苗。我教他便捲浮雲能敗掃。〔云〕鬼兵與我喚將梅山七聖來者。〔鬼力云〕

理會的。梅山七聖安在。上聖呼喚哩。〔外扮梅山大聖上〕〔云〕跳足開懷髮滿頭。堂堂七聖逞搗搜。山精野怪聞吾怕。占斷梅山第一籌。小聖梅山七聖中大聖是也。小聖弟兄七人。神通廣大。變化多般。獨占此梅山之境。怒來摧山斷嶺。喜來風靜天晴。上帝因小聖七神勇猛正直。鎮壓梅山之境。隨二郎真君聽其神號。斬妖除邪。正在山頂觀望四方。上聖呼喚。俺七神不敢久停久住。等不的衆神。小聖先赴壇前。駕起祥雲。可早來到也。鬼力報復去。道有梅山大聖來了也。〔鬼力云〕理會的。報的上聖得知。有梅山大聖來了也。〔正末云〕着他過來。〔鬼力云〕着過去。〔見科〕〔大聖云〕上聖呼喚小聖。有何神旨。〔正末云〕一壁有者。鬼力看着。若再有神聖來時。報復我知道。〔鬼力云〕理會的。〔外扮二聖上〕〔云〕足駕風雲不暫停。空中急急看山行。二郎部下爲神帥。誰敢尋常起戰爭。小聖乃梅山二聖是也。忽聞真君呼喚。俺大聖先見真君去了也。小聖

等須索在此聚神巖前。等衆聖來全了時。一同去參見真君。兀的不又一員神將來了。(外扮三聖上)(云)兩目金光如驟電。變化神通多隱現。扶持鎮世二郎神。上天入地朝金殿。小聖乃梅山三聖是也。真君呼喚俺七聖。有先去了的也。按落雲頭。來到聚神巖前。兀的不是二聖哩。(做見科)(三聖云)衆聖。小聖來了也。(二聖云)三聖來了也。衆神來了麼。(三聖云)隨後便到也。(外扮四聖上)(云)斬妖斷怪多直正。鎮壓人間承聖命。嘯風鞭雨起雷霆。則我是獨占梅山第四聖。小聖梅山四聖是也。有真君呼喚。不敢久停久住。須索走一遭去也。兀那遠遠的。不是俺衆位神兵也。(做見科)(四聖云)衆聖。小聖來了也。(二聖云)四聖。俺聚集了。同去見真君去。(外扮五聖上)(云)穩穩乘風上碧天。急忙赴召駕雲軒。壇前聽令休停住。飛步神巖等衆仙。小聖梅山五聖是也。真君呼喚。衆聖等不的小聖。都先去了。駕起祥雲。直至聚神巖前。參見衆神去。可早來到也。(見科)(五聖云)衆聖。小聖來了也。(二聖云)五聖來了也。六聖七聖安在。(五聖云)他二聖便來也。(外扮六聖上)(云)恰離梅山境界邊。馭風乘氣在遙天。二郎速召諸神往。萬里雲程咫尺間。小聖梅山第六聖是也。真君呼喚。須索走一遭去。兀的衆聖在聚神巖前哩也。(做見科)(六聖云)衆聖恕小聖來遲之罪也。兀的不是七聖隨後便來也。(外扮七聖上)(云)秉受猿精正直神。梅山高處顯威靈。飛臨壇下聽神令。一縷金光頂上生。小聖梅山第七聖是也。衆

神聖聞真君呼喚。都先去了。小聖駕着雲頭。飛臨聚神巖前。同見真君去。按落雲頭。兀的不是衆神聖也。〔做見科〕〔七聖云〕衆聖。小聖來遲了也。〔二聖云〕七聖來了也。俺一同去見真君去來。來到壇前也。鬼力報復去。道有俺七聖來了也。〔鬼力云〕理會的。〔做報科〕〔云〕報的上聖得知。有七聖來了也。〔正末云〕着他過來。〔見科〕〔二聖云〕小聖等來了也。〔大聖云〕上聖呼喚俺七聖。有何神旨。〔正末云〕吾神今日統領天兵。擒拏齊天大聖去。您七聖跟隨吾神。走一遭去也。〔大聖云〕小聖等必索跟隨。與齊天大聖鬪勝。走一遭去也。〔正末唱〕

〔滿庭芳〕到來日相持戰討。則要您人人擐甲。箇箇披袍。哎。你這梅山七聖休焦燥。一箇箇顯耀英豪。〔郭牙直云〕聞知此妖魔。有昇霄入地之變化。與風作浪之雄威。他若入地呵。俺搜尋遍戊己中央。他上天呵。俺直趕到九霄之上。務要勦滅了此妖魔。玉帝必然重加神位也。〔正末唱〕者麼他入地府施謀鬪巧。上天關斬怪除妖。您若是成功効。分別出善惡。怎容他故意犯天條。〔大聖云〕上聖。齊天大聖倚仗他法力高強。神通廣大。鬼兵外道。魍魎山精。久占花果山水簾洞。食啖生靈。不合有犯天條之罪。正當擒拏也。〔郭牙直云〕上聖到來日。擺列神兵遮日色。密排猛將鎮天關。篩鑼播鼓。憑着上聖手中三尖兩刃刀。跨下獨角異獸。細犬衝圍破陣。金彈打散妖兵。量他到的那裡也。〔正末唱〕

〔上小樓〕你與我齊排陣角。忙施軍校。吶喊搖旗。擂鼓篩鑼。膽氣聲高。憑着這斬將刀。勢力豪。擒賊斬盜。小可似入波中斬蛟名號。〔天丁云〕上聖。量他那邪魔。神通淺短。法力低微。有何難哉。衆多神將可怎生統神兵勦捕妖魔。上聖試說一遍者。〔正末唱〕

〔么篇〕統天兵六甲神。仗天仙法力高。你與我各顯神通。鬪智施能。魄散魂消。〔郭牙直云〕上聖。俺到來日。殺的他上天無路。入地無門。將此妖魔。一鼓而平定也。〔正末唱〕殺的他無路逃。命喪夭。心驚膽跳。我着他便去無門。死生顛倒。〔郭牙直云〕上聖。憑着俺

天兵浩大。神將威嚴。覷那山精鬼魅。外道邪魔。如那紅爐鎔片雪。利劍斬枯枝。上聖仗天威之勇。盡皆掃蕩妖魔也。〔正末唱〕

〔十二月〕我將這齊天力勦。殺的那妖魔潛消。那裡問石精水怪。魍魎山魃。我覷他似喧簾燕雀。端的是似鼠如貓。〔大聖云〕兩陣之間。下了天羅地網。必然擒拏了齊

天大聖也。〔正末唱〕

〔堯民歌〕呀。擺列下天羅地網。怎生逃。俺這裡布陣排兵索堅牢。憐神惡鬼逞寵豪。闊劍長鎗列週遭。量也麼度。愁雲暗碧霄。端的是滾滾征雲罩。〔天丁云〕俺大小神將。統領天兵。跟着上聖。與齊天大聖鬪勝。走一遭去。〔郭牙直云〕到來日戰鼓連天。喊聲

振地。猛烈神摧山攪海。連珠礮有似轟雷。上聖。俺衆神將統領大勢天兵。擒拏齊天大聖。走一遭去也。〔正末唱〕

〔尾聲〕我將那潑妖魔捉在陣前。齊天聖歸入地曹。我着他伏降了聖帝依仙道。齊獻着太上眞仙萬年表。〔同奴厮兒下〕〔抱刀鬼云〕則今日跟着上聖。與齊天大聖鬪勝。走一遭去。頗奈潑魔神。惱犯二郎君。若還擒捉住。斬首不留存。〔下〕〔大聖云〕吾神奉上帝法旨。俺梅山七聖。統領天兵。擒拏妖魔。走一遭去。雄赳赳排兵布陣。看吾神去邪歸正。齊天聖莫說能強。怎敵俺梅山七聖。〔下〕〔二聖云〕吾神統領天兵。擒拏妖魔。走一遭去。瑤池變化幾千般。英雄赳赳鎮千山。行者若不歸仙道。管教他束手歸伏透膽寒。〔下〕〔三聖云〕吾神統領天兵。擒拏妖魔。走一遭去。除是逃災插翅飛。俺丹盜酒怎支持。以此天兵行戰討。豈知今日有災危。大犯天條難恕免。合是邪魔死限催。七聖排兵施勇烈。擒捉毛團得勝回。〔下〕〔四聖云〕統領神兵。擒拏齊天大聖。走一遭去。排陣勢密砌魚鱗。旗招展鼓凱鑼鳴。花果山妖精鬼魅。一箇箇翦草除根。〔下〕〔五聖云〕則今日跟上聖擒拏妖魔。走一遭去。試看交兵這一場。妖魔鬪勝顯高強。拏住邪魔親殺壞。山精魍魎盡歸降。〔下〕〔六聖云〕則今日跟上聖擒拏妖魔。走一遭去。惡嗽嗽施逞躁暴。急颭颭刀鎗旗號。若拏住外道邪魔。一箇箇都歸正道。〔下〕〔七聖云〕則今日跟着上聖。擒拏齊天

大聖走一遭去。惡鬼獐神密密排。神威千丈顯英才。擒拏妖魔歸正道。繩纏索綁獻將來。〔下〕
〔郭牙直云〕衆位神祇去了也。吾神領本部下神兵。擒拏齊天大聖。走一遭去。大小神兵。聽吾神旨。到來日統領神兵下碧霄。揚威耀武顯英豪。猙獰鬼力轟雷震。勇猛神員駕霧高。地網張開三四面。天羅布下一週遭。騰騰殺氣遮紅日。靄靄征塵罩錦袍。綵帶雲籠旗幟展。金盔風舞絳纓飄。神兵有似爬山獸。甲馬過如出水蛟。震地鑼鳴驚世界。喧天鼓凱捲江濤。勦捕妖魔寧宇宙。班師得勝獻功勞。〔下〕〔天丁云〕統領神兵。擒拏妖魔。走一遭去。偷卻靈丹盜玉漿。天條犯罪豈非常。魔神終有歸降日。引惹天兵大戰場。〔下〕

第三折

〔外扮通天大聖上〕〔云〕三十三天別一天。則我是玉皇殿下小神仙。爲吾扳折蒼龍角。罰在深山數百年。吾神乃通天大聖是也。二兄弟齊天大聖。三兄弟乃是耍耍三郎。俺弟兄三人。久占此花果山千百餘年。爲吾神神通廣大。變化多般。三界神祇。不敢與吾鬪勝。我喜來霧斂雲收。怒後興風作浪。扳折太嶽高峯頂。攪亂東洋大海波。我輕輪鐵棒。攀藤攬葛鬼神驚。怒逞雄威。走石飛沙天地暗。閑觀花果坐石崖。悶引猿哥遊翠嶺。正在洞中閑坐。看有甚麼神聖到來。〔淨扮耍耍三郎上〕〔云〕顯神通則我搗搜。扒高竿上得滑熟。繫上條茜紅搭膊。山頂上打會筋陡。小聖乃

耍耍三郎孫行者是也。正在山頂上放風箏。不想斷了線。刮的往別十八里去了。心中悶倦。望通天大聖走一遭去。可早來到也。無人報復。我自家過去。〔見科〕云哥。老三來了也。〔通天大聖云〕兄弟。我心中悶倦。正等你閑遊戲耍哩。〔三郎云〕我心裏也是這等說。有甚麼好喫的。擎來。俺喫耍子。〔通天大聖云〕兄弟也。你看俺這裡高山峻嶺。闊澗陡崖。都是俺的境界。兄弟。俺正好遊賞。看有甚麼人來。〔淨猿精石精上〕〔猿精云〕神通短淺。全不濟。每日洞中打盹睡。若有天兵來擎我。高山頂上豎直立。俺二人猿精石精便是。奉俺齊天大聖的言語。請二位上聖。走一遭去。可早來到也。無人報復。自家過去。〔見科〕〔猿精云〕上聖。俺二人奉上聖法旨。特來請二位上聖。去花果園水簾洞赴會哩。〔通天大聖云〕三兄弟。既然二兄弟請俺赴會。俺弟兄二人。駕一陣清風。直到水簾洞赴會。走一遭去。今朝開宴翠峯頭。山桃山果勝珍饈。敬請吾神親赴會。洞內開懷飲數甌。〔同下〕〔淨扮老獼猴上〕云攀藤攬葛串林梢。閑來摘果又偷桃。見箇蓮蓬生樹上。仔細端詳着眼瞧。則因嘴饞心裏愛。舒手攀枝勾不着。就把通臂忙施展。登時下手與一搖。不想蓮蓬裏面生毒物。飛將出來將我誑一交。撲頭撲面胡蜂落。螫的區區沒處逃。叮了鼻子咬了嘴。跌了脊梁閃了腰。至今沒處討膏藥。渾身疼痛還不消。被他頭上螫一下。嘴腫的腦袋似椰瓢。小聖乃花果山水簾洞獼猴大神是也。自太極初分。化生萬物。各有異樣。可不知怎麼又生下我這樣尖嘴縮

腮。毛手毛脚。這等磣東西來。真乃是蠶魯之物。醜姁之形。偷桃摘棗。攬葛攀藤。上竿作戲。能將雙臂通神。揪扯搗揉。盡皆虛詐不實。扯人衣服第一。自從着那該次的胡蜂螫了一下之後。諕怕我不敢出門。每日則趨在洞裏。這一向伴着癩蝦蟆脩行坐禪耍子。盤着脚在荷葉上坐着。合掌當胸。各顯神通。嘴又骨朵。腦袋又疼。〔雜當呈答打科〕「云」怎麼又疼。〔彌猴云〕還是那胡蜂叮的。今在此山中爲其洞主。只因齊天大聖那箇傻兒回。不知那裡偷將幾丸藥來。又是幾瓶打刺孫。他說是甚麼仙酒仙丹。我那裡信他。他又在我這洞裏狐假虎威。倚仗是仙家之物。要在此洞排筵慶會。委我就買辦。打緊的這兩日東西又貴。止尋了些野味兒。頭一道是川炒癩頭龜。第二道是油爆叫蟪蚱。第三道是拖麵煎蝎虎兒。第四道是醬燻癩蝦蟆。餘者小菜兒。都不打緊。我扒在河裏撈了一兜紅蟲兒。也有魴陡蟲。加上胡椒醋兒。做幾碗鮮湯。蝎子蜈蚣。權爲案酒。活燒菜花。蛇兒是攔門的打散。我與你條開卓器。大聖這早晚。敢待來也。〔齊天大聖上〕「云」吾神乃齊天大聖是也。今日在於水簾洞中。安排筵會。請通天大聖。耍耍三郎。俺弟兄三人。賞仙酒金丹。我着猿精請去了。可怎生這早晚不見來。〔通天大聖同耍耍三郎猿精石精上〕「通天大聖云」吾神乃通天大聖是也。兄弟。俺離了本山。可早來到此水簾洞也。猿精報復去。道有俺二人同來赴會也。〔猿精報復科〕「云」報的上聖得知。二位上聖來了也。〔齊天大聖云〕道有請。〔猿精云〕有請。

〔見科〕〔齊天大聖云〕早知哥哥來到。只合遠接。接待不着。勿令見罪也。〔通天大聖云〕兄弟也。你請我弟兄每來爲何。〔齊天大聖云〕哥哥不知。您兄弟搖身一變。化作一箇看藥爐的仙童。扳倒煉丹爐。先偷老君藥丹。後至天廚御酒局。盜了仙酒。此物食之者延年益壽。長生不老。今日在此洞中排宴。特請二位尊神來共賞也。〔耍耍三郎云〕我昨日晚夕。做了一箇夢。夢見喫仙酒靈丹。不想今日二哥有請。我正是應夢大吉也。〔通天大聖云〕住住住。兄弟。你原來偷了老君的仙酒仙丹。敢不中麼。此物非同小可。食之者延年益壽。長生不老。不合盜將來。則怕上聖知道。可怎了也。〔齊天大聖云〕哥哥。你說的差了也。憑着我神通廣大。變化多般。便有天兵來。我也與他決戰千合。量他到的那裡也。〔耍耍三郎云〕二哥。你說的是。你則放心喫酒。若有天兵來。幫扶着你。一箇來拏一箇。兩箇來拏一雙。則有我着。〔通天大聖云〕兄弟。你不聽我的言語。則怕上帝得知。遣天兵來擒拏俺兄弟三人。可怎了也。〔齊天大聖云〕哥哥。你且放心。我自有箇主意。下次小的每將酒來。我與哥哥洪飲數盃也。〔猿精云〕理會的。兄弟每看酒來。〔獼猴云〕正是添換一道道慢慢的來。衆位大聖。猜謎吃酒。行令耍子。怕甚麼。那。〔猿精報科〕〔云〕可不早說。報的上聖得知。今有二郎。領着天兵。來擒拏上聖哩。〔通天大聖云〕兄弟也。因你盜了仙酒仙丹。有犯天條之罪。上帝着二郎尊神。引領天兵。拏俺弟兄三人。俺須索與他拒敵。統領大小猿精。與二郎神鬪勝。走

一遭去。兄弟。你慢來。我先去也。猿哥擺陣列旗幟。鳴鑼擊鼓震天關。齊天大聖親爲帥。吾神變化幾千般。駕霧騰雲親鬪勝。摧林拔樹已崩山。手中鐵棒輕輕舉。我着那百萬天兵透膽寒。〔下〕齊天大聖云。頗奈二郎神無禮。我和你往日無冤。近日無讐。因何領兵擒拏吾神。更待干罷。吾神就點大小鬼兵。與二郎鬪勝。走一遭去。則爲仙酒靈丹惱上蒼。金戈鐵甲列刀鎗。聽言說罷心生怒。休誇神聖二郎強。忙驅鬼怪持兵刃。急喚妖精擺戰場。憑着我入地昇天能變化。我着他認的齊天大聖王。〔下〕〔耍耍三郎云〕兩箇哥哥去了也。罷罷罷。事到今日。一不做。二不休。便點手下妖精鬼魅。擎着叉爬掃帚。和二郎鬪勝。走一遭去。我和他比並高低。准備着廝殺相持。天兵來將我追趕。我且趯在筋陡房裏。〔下〕〔彌猴云〕我倒笑了。這一起妖精。有酒膽。沒飯膽。我正要行令耍子。吃幾甌子。不想有這場事。既有他。便有我。我若怕他。我老子就是夜魔子變的。我如今點就本洞精怪。拚着這條性命。我和他交戰。走一遭去。則爲俺齊天聖無廉無恥。盜仙丹做了小李。兵馬司不敢來拏。巡捕的不知頭尾。排筵會正要耍子。誰承望有這場是非。二郎神與俺交鋒。惱得我怒從心起。抖擻開萬縷金毛。領妖兵就尋對壘。無戰馬騎着山羊。少兵器擎着碓嘴。把旛竿權做長鎗。砍樹枝就當劍戟。半頭磚擎着幾箇。着緊處就是砲石。一隻手握着通條。一隻手擎着棒槌。若撞見二郎真君。扯住他一隻大腿。細腰狗牽將過來。活醃在臘肉缸裏。到正月慢慢的噀他。

賀新年權爲節禮。〔下〕〔外扮巨靈神上〕〔云〕勝闊身長數丈高。金睛赤髮怒衝霄。肩擔月樣開山斧。太華山峯用手搖。吾神乃巨靈神是也。身長數丈。變化多般。神通廣大。法力高強。今奉上帝勅命。因爲齊天大聖。偷盜了仙酒靈丹。有犯天條。差清源妙道真君。領梅山七聖。擒拏此業畜去。又着吾統領本部下神兵。與齊天大聖鬪勝。吾神不敢久停久住。統領神兵。擒拏此妖魔。走一遭去。齊天聖心懷奸詐。嗔忿忿決無干罷。潑妖魔命在須臾。身死在開山斧下。〔下〕〔齊天大聖通天大聖要耍三郎。驪馬兒引猿精石精同上〕〔齊天大聖云〕吾神乃齊天大聖是也。則爲吾盜了仙酒金丹。上帝得知。差遣二郎真君。與吾神鬪勝。量他到的那裡。大小鬼兵。與我擺開陣勢者。〔通天大聖云〕大小猿兵。擺開陣勢者。遠遠的雲端起處。莫不是天兵來了也。〔正末同郭牙直七聖抱刀鬼奴。廝兒天下。驪馬兒狗兒上〕〔正末云〕吾神二郎真君是也。統領本部下神兵。擒拏齊天大聖。走一遭去。〔郭牙直云〕上聖。看了俺這天兵。人人勇烈。箇箇威風。好是威嚴也。〔正末云〕看了本部下神將。是好威嚴也呵。〔郭牙直云〕上聖。俺這裡戈甲鮮明。鎗刀燦爛。好是威嚴也。〔正末唱〕

〔越調鬪鶴鶉〕擺列着戈甲千層。我則見征塵萬里。慘霧朦朧。愁雲閉塞。日淡雲籠。天昏地黑。則聽的鑼又鳴。鼓又催。劍戟生寒。鎗刀似水。〔郭牙直云〕端的是征

雲生四野。殺氣罩長空。霧鎖雲霄也。〔正末唱〕

〔紫花兒序〕寒風捲旌旗飄蕩。紅日暎鎧甲新鮮。彩霞生袍錦光輝。〔抱刀鬼云〕上聖。你看這天神威勇。鬼兵浩大。量那邪魔。到的那裡也。〔正末唱〕你看這神兵簇擁。左右週圍。趕趕雄威。一片兵山十數里。施逞些三五陵豪氣。更和這惡鬼猙獰。踴躍威儀。〔郭牙直云〕你看俺天兵陣勢。這等相持。是好齊整也。〔正末云〕量這邪魔。有何難哉。兀的來者何神。〔齊天大聖云〕吾神乃齊天大聖是也。你來者何神。〔正末云〕吾神乃二郎真君是也。爲你盜了金丹仙酒。吾奉上仙法旨。統領神兵。擒拏你來也。〔齊天大聖云〕吾神神通廣大。變化多般。量你到的那裡也。〔正末云〕這潑邪魔好生的無禮也。操鼓來。〔做亂戰科〕〔唱〕

〔鬼三臺〕我見他驅兵隊。施威勢。要相持對壘。我尋戰討。覓頭敵。非吾神怕你。〔通天大聖云〕兀那二郎神。吾乃通天大聖是也。你怎敢與吾神鬪勝。你見我這手中鐵棒麼。我着你看這百萬天兵。粉骨碎身。〔耍耍三郎云〕兀那二郎。你須知俺弟兄三箇。插指頭不咬人的。〔正末唱〕三尖刀。燦燦烈焰疾。鎗尖上火光疾。漸飛更那堪戰馬彎犇。你飛不出鎗刀劍戟。〔郭牙直云〕大小天兵。休着走了齊天大聖也。〔巨靈神領神兵躍馬兒上〕〔云〕二郎神。吾神奉太上神旨。同領神兵。與你助陣。休教走了這三箇邪魔也。〔耍耍三郎云〕可怎麼。又走將他來了。

〔做混戰科〕〔正末云〕這妖魔合當敗也。〔唱〕

〔調笑令〕將兵器怒持逞雄威。〔耍耍三郎云〕不干我事。是俺二哥做的勾當。〔正末唱〕你正是船到江心補漏遲。〔齊天大聖云〕吾神與天地同生。日月並長。量你到的那裡也。〔正末唱〕我見他遮截架解難迴避。列猙獰神鬼週圍。你看這鎗刀劍戟列整齊。統神兵耀武揚威。〔巨靈神云〕潑妖魔怎敢與吾神對敵也。〔正末唱〕

〔禿廝兒〕四壁下狂風競起。垓心裏捲鼓奪旗。我見他紅光蕩蕩火塊疾。明燦燦遠天地可使爲魁。〔巨靈神云〕大小鬼兵。各顯神通。飛砂走石。擒拏住邪魔也。〔正末唱〕

〔聖藥王〕我將這戰馬催。更那堪刀去的急。刀尖上足律律的火光飛。顯耀些神力能。沒揣的起怪石。見天昏地慘。日無光輝。我教你獨自一箇落便宜。〔通天

大聖云〕天兵勢大。神力威嚴。俺神通淺短。獨力難加。敵不住神兵。可怎了也。〔齊天大聖云〕看

了二郎真君法力威猛。吾神近不的他。走走走。〔巨靈神同衆神拏住齊天大聖。通天大聖。耍耍

三郎科〕〔正末云〕衆天神拏住邪魔了也。〔郭牙直云〕上聖拏住妖魔也。〔正末云〕與吾神執

縛定。見上仙去來。〔唱〕

〔尾聲〕殺的那敗殘的神鬼無邊際。我則見昏昏鄧鄧征雲罩日。今日箇齊天大

聖拱手見天仙。同赴玉闕金光洞天裏。〔同下〕

第四折

〔驅邪院主引鬼力上〕〔驅邪院主云〕太極初分天地中。驅神使將顯神通。金闕書名朝上帝。掌判驅邪鎮北宮。貧道北極驅邪院主是也。乃元始化身太極之體。開皇初劫下世。紫雲元年歲建甲午三月甲寅庚午時。符太陽之精。授胎金闕化身。父乃淨樂國王。母乃善勝夫人。腹孕一十四月。則太上八十二化。產母左脅降生。當生之時。瑞雲覆國。異香芬然。地土皆變成金玉瑞應之祥。生而神靈。長而勇猛。年至於七歲。經典一覽。悉皆默會。仰觀俯察。棄國辭朝。至於武當山內。脩行辦道。四十九年。至歲次庚子九月九日。有天花祥雲氤氲而下。五龍捧聖。白日飛昇。朝參金闕瓊臺。受印護國祐民。威鎮北方。統攝玄武之位。以斷天下邪魔。時有六天魔王。引諸鬼衆傷害生靈。毒氣上衝。玉帝勅命。差貧道披髮跣足。金甲玄袍。皂纛玄旗。引本部下六丁六甲五雷神兵。降臨凡世。與六天魔王戰於洞陰之野。時魔王以坎離二氣。化蒼龜巨蛇。變現方成。貧道攝於足下。乃龜蛇二將是也。我分判人鬼。鎮諸魔衆。入於酆都。人民治安。風調雨順。貧道回奏玉帝。玉帝見貧道有功。勅封貧道九天採訪遊奕使。北極鎮天真武玉虛師相。玄天元聖仁威上帝。正授北極驅邪院都教主。因爲齊天大聖。盜了仙酒金丹。上帝已知。着清源妙道真君灌口二郎。領本部下神

兵。同梅山七聖。擒拏齊天大聖。又着巨靈神助陣。此妖魔弟兄三人。大勢山精。前來拒敵。被天兵都盡皆拏住。鬼力遠遠的望者。等二郎來時。報復吾神知道。〔正末同巨靈神梅山七聖郭牙直抱刀鬼奴厮兒天丁鬼力拏齊天大聖通天大聖耍耍三郎同狗兒上〕〔正末云〕吾神乃二郎是也。奉上仙法旨。統領天兵。擒拏住齊天大聖等衆妖魔。俺回上仙話去來。〔巨靈神云〕尊神統領十萬天兵。一戰成功。俺拏住衆妖魔也。見上仙去來。〔正末云〕尊神行動些。〔唱〕

〔雙調新水令〕戰魔神得勝盡歸降。我這裡望瑤宮九重天上。妖神尋退隱。神聖戰功忙。志氣軒昂。朝仙界拜金像。〔巨靈神云〕吾神想二郎真君神通廣大。變化多端。

護國忠良。於民有益。保祐蒼生。多有功勳。上帝加封神位。下民建立祠堂。萬民享祭也。〔正末云〕說話中間。可早來到也。鬼力報復去。道有二郎真君。同巨靈神來了也。〔鬼力云〕理會的。報的上聖得知。有二郎真君同巨靈神來了也。〔驅邪院主云〕道有請。〔鬼力云〕有請。〔衆同見科〕〔正末云〕上仙。小聖同衆神將與齊天大聖交戰。擒拏住得勝班師也。〔驅邪院主云〕想齊天大聖盜了金丹御酒。罪犯天條。今已擒拏住。與我拏過來。〔衆做拏齊天大聖等跪科〕〔驅邪院主云〕兀那妖魔。您怎生盜了金丹。偷了仙酒。有犯天條。怎生被天兵擒住。合受酆都之罪也。〔齊天大聖云〕上聖可憐見。小聖誤犯天條。望上聖寬恕小聖這一遭者。〔正末唱〕

〔沽美酒〕犯天條奏玉皇。因丹結

因丹結三字疑是竊靈丹之誤

盜金漿。則爲他罪若丘山惱上蒼。

施逞些兇頑的氣像。列神兵。顯高強。

〔太平令〕我奉玉勅驅邪捉將。仗神威妖魅潛藏。臨地窟一衝一撞。入寒波興風作浪。弟兄每顯揚。志昂。性剛。逆天心金丹佳釀。〔驅邪院主云〕您衆天神。怎生與齊

天大聖鬪勝來。你慢慢的說一遍者。〔驅邪院主云〕你說一遍。吾神試聽者。〔正末唱〕

〔川撥棹〕我則見閉寒光。動天關雷震響。擺列着神鬼高強。戈戟刀鎗。一箇箇威風猛壯。看今番惡戰場。

〔七弟兄〕我則見這廂。那廂。鬪爭強。三尖刀緊劈銅脖項。銀鍔劍光彩似冰霜。火尖鎗更刺咽喉上。

〔梅花酒〕呀。他每都使智量。俺神聖威光。鬼力昂昂。戈戟旌幢。斬邪魔。擒敗鬼。入地窟。上天堂。看了俺這一場。神着箭痛悲傷。馬着鎗怎生當。〔驅邪院主云〕齊

天大聖。這天神勇猛。大敗虧輸。量他到的那裡。你再說一遍。〔正末唱〕

〔收江南〕呀。殺的他忘魂喪魄。怎還鄉。倒戈卸甲盡來降。只因仙闕盜金漿。他都宴享。難同地久與天長。〔驅邪院主云〕天丁神將。擎下齊天大聖衆多妖魔。你聽者。二郎神

顯耀威靈。奉勅旨統領天兵。犯天條齊天大聖。偷仙酒罪犯非輕。盜靈丹合當斬首。罰陰司不得超昇。尊上帝好生之德。再休題妄想貪嗔。從今後改惡向善。朝上帝禮拜三清。衆神將各歸洞府。還本位齊赴天庭。

題目

花果園賞仙酒金丹

正名

二郎神鎖齊天大聖

齊天大聖穿關

頭折

元始天尊

如意蓮花冠 鶴氅 牌子 玳瑁 三髯髻 執圭

仙童

秦巾 道袍 邊欄 緋兒

齊天大聖

三山帽 錦襖 爽兒臉 如意裙

項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

法墨 襖 天丁神

鐵幙頭 膝欄曳撒 袍 項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

郭牙直

鐵幙頭 膝欄曳撒 袍 項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

頭陀 茶褐直身 狗 衣

鐵幙頭 膝欄曳撒 袍 項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

第二折

齊天大聖

同猿精 法墨 襖 天丁神

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

奴厮兒抱刀鬼

鬼力 狗 郭牙直

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

聖六聖七聖

撒髮陀頭抹額 膝欄曳撒 袍 項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

乾天大仙

如意冠 玳瑁 三髯髻 執圭 鬼力 鬼頭 錦

項帕 直纏 襖 八答鞋 藍絹褲 腿紉護膝 布 爽扇

萬曆四十三年二月十七日校內本清常記